

HORARIOS DO CENTRO CURSO 2022-2023

HORARIOS DA XORNADA ESCOLAR				
ETAPA	MAÑÁ		TARDE	
	ENTRADA	SAÍDA	ENTRADA	SAÍDA
INFANTIL	9:00	12:20	14:20	16:00
PRIMARIA	9:00	12:20	14:20	16:00
SECUNDARIA	8:40	13:20	14:30	16:10
Observacións	<p>As portas do centro abríranse 5 minutos antes do horario de entrada en todas as etapas.</p> <p>Na etapa de infantil flexibilízanse tanto entrada como saída do seguinte xeito:</p> <ul style="list-style-type: none"> - Entrada: ata ás 9:30 o alumnado poderá incorporarse á aula de xeito progresivo. No caso de alumnado que non ten irmáns en outras etapas recomendamos incorporarse a partir das 9:15. - Saída: dende as 15:30 as familias que non teñan irmáns noutras etapas poden comezar a recoller ao alumnado de infantil. 			

HORARIOS DOS SERVIZOS COMPLEMENTARIOS				
ETAPA	INFANTIL E PRIMARIA		SECUNDARIA	
SERVIZO	ENTRADA	SAÍDA	ENTRADA	SAÍDA
MADRUGADORES	8:00	9:00	8:00	8:40
COMEDOR	12:20	14:20	13:20	14:30
AMPLIACIÓN	16:00	17:15	16:10	17:15
EXTRAESCOLARES	16:00	17:15	16:10	17:15

ACTIVIDADES E SERVIZOS CURSO 2022-2023

a) Actividades Complementarias:

As actividades e servizos complementarios de carácter pedagóxico (festas, saídas, obradoiros e gabinete educativo) establecidas en Andaina engloban todas aquelas actividades e servizos que forman parte da esencia do proxecto educativo. Sen elas non sería posible manter o modelo pedagóxico, pois non se financian co concerto educativo.

- **Saídas educativas ou obradoiros de innovación.** Nesta tarifa incluímos as saídas e obradoiros a realizar en cada aula. De forma xeral son as seguintes:
 - **Infantil:**
 - **3 anos:** 5 saídas de mañá, 1 xornada de convivencia e 5 obradoiros de innovación.
 - **4 e 5 anos:** 4 saídas de mañá, 2 saídas de día completo, 1 xornada de convivencia e 3 obradoiros de innovación.
 - **Primaria:** 3 saídas de mañá, 3 saídas de día completo, 1 saída con durmida (ou 2 saídas de día completo a maiores), 2 obradoiros de innovación.
 - **Secundaria:** 4 ou 5 días de saída con durmida en función do destino, 1 saída de mañá, 1 saída de día completo, 2 obradoiros de sexualidade e/ou convivencia.

- **Festas e conmemoracións.** Están previstas para o próximo curso as seguintes: Magosto, Nadal, Entroido, Letras Galegas e San Xoán.

- **Gabinete Educativo.** Esta tarifa permite manter o modelo educativo que ofrece Andaina ao longo das tres etapas. A través dela podemos dotar de recursos ás diferentes aulas e así desenvolver entre outras, as seguintes actuacións:
 - Dispor da orientadora educativa para a etapa de infantil e primaria que non inclúe o concerto educativo.
 - Acompañamento no proceso de adaptación do novo alumnado ao centro na etapa de infantil (dobre docente).
 - Programa de estimulación da linguaxe oral en infantil e 1º e 2º ciclo de EP coa incorporación da Logopeda en aula.
 - Comisión de lecer con actividades promovidas polo alumnado na etapa de primaria.
 - Programa de mediación escolar para a resolución de conflitos entre iguais.
 - Programas formativos co alumnado: facilitación de grupos, prevención do maltrato, acoso...
 - Xestión da convivencia en primaria e secundaria a través de equipos de facilitadores.

- Persoal de apoio en aula para a aplicación de metodoloxías activas: Aprendizaxe baseada en proxectos, aprendizaxe cooperativa, etc.
- Asesoramento específico aos distintos sectores da Comunidade Educativa.
- Programas de prevención e detección de dificultades de aprendizaxe.
- Acompañamento en procesos socio-emocionais co alumnado e familias.
- Comisión Colaboralab (laboratorio audiovisual en prol da convivencia) en Primaria e Secundaria.
- Monográficos formativos desenvolvidos con familias.
- Campañas específicas de sensibilización social: contra a violencia de xénero, en apoio ao colectivo LGTBI, actividades formativas co alumnado ao redor do día da muller, etc.
- Colaboración con entidades e especialistas externos por parte dos especialistas do Gabinete Educativo.

b) Recursos Educativos:

- Comprende a adquisición e uso de todo o **material individual e común** que é empregado polo alumnado durante todo o curso escolar:
 - Funxible (libretas, carpetas, cartafoles, bolígrafos, lapis, gomas, pinturas, cintas, adhesivos, folios, orlas aula, ceras, pinturas, etc.), material didáctico complementario, material de consulta e xogos específicos para os distintos proxectos de aula.
 - Secuencias de lingua galega e castelá elaboradas polo centro, secuencias de cálculo rápido, cálculo mental, simetrías e xeometría, todo o material de plástica empregado na área e nos distintos proxectos.
 - Fotocopias en B/N e cor, material fotográfico, elaboración e edición de vídeos educativos, emprego de material impreso.
 - Materiais e instrumentos grupais e individuais para a área de música.
 - kits específicos en cada aula (calculadoras, compás, USB, regras e cartabóns, etc.), material de proxectos en laboratorio e tecnoloxía, etc.
 - Material de uso compartido en cada grupo: xogos de matemáticas, linguas, de construción, de recantos, estratexia, convivencia, ábacos, unicubos, xeolanos, pentaminós, tangran, dicionarios (galego, inglés, castelán, francés), mapas, regretas, recursos informáticos como tablet e ordenadores por etapa, etc.)...
 - Biblioteca de aula con libros de lectura, cómics, enciclopedias...
- Tamén inclúe o uso da plataforma educativa **Clickedu**, que permite entre outros:
 - Xestións académicas e administrativas online para a comunidade educativa.
 - Emprego de contornos virtuais de aprendizaxe para o alumnado.
 - É o sistema de comunicación xeral entre centro e familias.

c) Servizos opcionais:

- **Comedor escolar:** En canto á organización e desenvolvemento do comedor, o obxectivo é volver ao comedor xeral. En función do número de usuarios e para garantir o servizo para todo o colectivo de alumnado, faremos a proposta concreta a nivel organizativo antes do inicio de curso escolar.
Mantemos o criterio de distribución do almorzo a media mañá para todo o alumnado. En canto ao uso do servizo en días soltos, é posible solicitalo de forma excepcional (máximo de 4 días ao longo do mes).
As familias poden solicitar acompañar no momento do comedor aos seus fillos/as xantando con eles e os seus compañeiros/as da aula.
- **Almorzos de media mañá.** Para o alumnado non usuario de comedor, establécese unha tarifa independente para que todo o alumnado da aula poida participar do almorzo.
- **Madrugadores:** o centro establece tres franxas no servizo de madrugadores, para facilitar a conciliación de cada familia. O servizo de almorzo comeza ás 8:00 horas (e só poderá realizarse de haber un grupo mínimo de 10 usuarios en cada etapa). Servizo ás 08:15 e 08:30 h para acceso ao centro antes da xornada lectiva no tempo de madrugadores. No vindeiro curso, volve contemplarse o uso por días soltos (máximo 4 días ao longo do mes).
- **Ampliación horaria:** derivado da necesidade de conciliación, seguimos ofrecendo o servizo de ampliación horaria para todo o alumnado entre as 16:00 h e as 17:15, ofrecendo un pequeno petisco alternando días de froita, leite, froitos secos, tosta, minibocatas, etc aos usuarios neste tempo.
- **Actividades extraescolares:** ofrécese un abano de actividades para desenvolver en cada etapa educativa. Serán impartidas principalmente por persoal especialista do centro coñecido para o alumnado e contarán cun enfoque lúdico. O horario será de 16:00 a 17:15 h e tamén disporán da pequena merenda.
- **Servizo de transporte:** ábrese a posibilidade de solicitar o servizo de transporte para unha ou dúas viaxes tendo en conta que solo se ofertará no caso de acadar o grupo mínimo de 32 usuarios (con dúas viaxes ou equivalente) para unha ruta de entrada e saída.